

第十八册

卷四十五 傳第十

列傳十

列女

卷四十六 傳第十一

列傳十一

列女

卷四十七 傳第十二

列傳十二

列女

常德府志

卷

自錄第十八册

卷四十八 傳第十三

列傳十三

列女

常德府志卷四十五

傳第十

列傳

列女 武陵

三國 賢婦

習氏武陵人丹陽守李衡妻也吳建興中衡守丹陽瑯琊王
休在鎮數倚法侵削之妻數諫不聽休求徙會稽避焉及
休立衡懼欲奔魏妻曰叛逃求活亦中國所惡也且何面
目見中國人乎瑯琊素慕名欲自顯於天下終不以私怨
故讐守法吏可詣獄表前失求罪衡從之詔遣還羈 函史

五代

常德府志

卷四十五

列女賢婦

一

嚴氏周行逢妻行逢果於殺戮嚴氏諫曰人情有善惡安得
一概殺之乎行逢怒曰此外事婦人何知嚴不悅給曰家
田佃戶以公貴頗不力農多恃勢侵民請往視之至則營
居以老歲時衣青裙押佃戶送租入城行逢往就見之勞
曰吾貴矣夫人何自苦邪嚴曰公思作戶長時乎民租後
□□□□今貴矣宜先期以率眾強邀之無留意因曰
公用法太嚴一旦禍起田野間易為逃行逢為少損 五代史

明 李氏武陵人冀元
亨妻見元亨傳

國朝

楊氏仁和周晉瑛妻順治初晉瑛令瀘溪同□□□□□□

喪攜諸孤寓武陵遂爲武陵人初遇潰卒爲掠氏從容謂曰我瀘溪殉難周令妻夫死忠子死孝吾今得死爲幸不可犯也言迄痛哭卒感嘆而去經畧洪以事聞 予贈蔭陳氏吏部尙書楊超曾妻超曾不置妾媵氏以勤儉相夫成清名處貴盛不改寒素時稱女宗狀行

賀氏武陵諸生龔世載妻歸九年世載故翁姑老子大萬幼貧幾不能存活氏委曲堅持大萬卒成名姪大慶甫二齡父母早逝賀並撫之成立登仕籍狀行

王氏給諫趙慎畛之母幼誦書史通大義慎畛籍成名其先有遺業昇其從經理逋欠纍數千氏爲斥產拯之女紅得

常德府志

卷四十五

列女賢婦

二

值僱力掩埋郭外暴骸親黨有急及無告者率周卹之狀行

五代烈婦

苑氏馬希萼妻希萼楚王馬殷子與弟希廣爭立苑氏諫曰兄弟相攻勝負皆爲人笑希萼不聽□泣曰禍將及予不

忍見也赴井死統志其人其時按湖廣總志姓氏桃源不知何據

明烈婦

楊氏邑庠鮑啟登妻年二十餘啟登死子延年入郡庠以文行稱崇正末氏扶孀姑喪之圍堤獻賊入常經其□□□不屈死幼孫恆亦罵賊死氏頓足視賊曰吾子□□□□汝子何甘獨生願求一死賊捨之而去氏□□□□□□

亡守子繼後乃吾事也今子孫俱死吾事已畢當見夫地下獨不忍骸骨暴露遺吾夫羞爰抱薪厝火於茅屋下適風發火烈人莫敢近氏凜凜危坐顏色不變有頃三尸俱

燼舊志

熊氏庠生趙昌年妻流寇陷城熊被執不從賊以刀斫其兩肩熊罵曰殺則殺耳何斫爲賊剖其腹而死統志

譚氏周笏妻流寇陷城被執不從罵賊死同里有羅三才妻亦爲賊所獲賊欲殺其夫其子以身蔽之遇害氏遂赴水死統志

陳氏賀氏皆吳崇教子婦也夙嫻家訓獻賊陷城爲賊所獲

常德府志

卷四十五

列女烈婦

三

兩人俱罵賊賊先殺陳以脅賀賀罵愈厲賊復殺其于賀閉目大罵賊怒刳其腹將盡罵猶未絕噴血丈餘而死統志

鄭氏楊鶚妻鶚官川湖總督崇正末賊猝至氏率二妾樊氏

陳氏及三子行遇賊城隅賊脅之跪叱曰朝廷命婦肯跪賊邪顧謂兩妾曰而等艷色必遭所污何以見而主地下兩妾伏劍死氏中鎗洞胸觸城死三子亦遇害統志

鍾氏生員鄭人眉妻年十九爲賊所擄囚禁最慘飲食不逼之不從拔髮嚙肉以寄其夫云誓不污身寧甘一死統志怒割至胸前罵不絕口而死統志

史氏庠生潘澍妻年二十餘流寇陷城史趨赴水□□□□

賊以鞭纏髮起勒令上馬史怒罵不止賊截其口卽以口血噴賊面賊亂刀磔之而去統志

何氏熊某妻舉家陷賊中何謂其夫曰君當與兒脫歸以存嗣妾請死無爲俱屠因伺賊他去夫負子行卽投水死統志

王氏毘廩生龍賓妻崇正間賓倡義禦賊被執見害賊入其室氏倉皇以翦自刺不殊賊縛之曰速告我金活汝氏嘔血罵曰殺我夫我尙求活乎賊怒殺之時年三十七舉家被害子人倡以省叔憲於宿松任所得脫彭北海作傳畧云夫以義死妻以節殉崢嶸千古觀者可以興矣志稿

段氏毘庠生龍人伯妻年三十餘人伯故苦志十五年以罵

常德府志

卷四十五

列女烈婦

四

賊慘死時稱貞烈全上

賈氏庠生姚鉉妻獻賊寇常舉家避兵賈同婢匿宅後土窖內婢探賊爲所覺並執欲辱之賈抗罵不屈拾石自損其容賊怒連砍數刀死挾婢以去夫得尸葬九農岡

陳氏尹某妻時流賊肆掠遇賊恐爲所辱赴水死

國朝烈婦

張氏談可由妻乾隆乙丑春母病偕夫省親適母思飲張爲炊湯厨下弟之舅姚某乘醉欲犯之張急呼夫至某遁□

□氏羞忿投環死乾隆十年 旌□□□□□□□□□□

□氏皮應維妻歸皮夫□病日□□□□□□□□□□□□

絕夫故哭不絕聲不飲食者數日翁姑及父兄勸慰之□
無一言葬畢自經死按通志作皮啟浩妻誤今正之

王氏韶繼舜妻年二十四夫卒遺孤紀在抱哀毀幾絕服闋
舅姑將嫁之氏泣陳大義堅不可奪乃加以鞭扑禁其飲
食氏採野粟自全越二年有黔商以厚金聘翁許之令其
姑防守氏知不免給之曰媳之報夫心已盡矣但念幼子
弱女遺累老人耳姑以其有回心防少懈氏乘間自縊是
夕槽馬悲嘶空中金鐵皆鳴聞者烈之上俱通志

楊氏王日龍妻備人屋以棲夫傭氏績以食戊戌春日龍病
不能傭氏亦因夫病廢績不舉火者數日逮秋大旱氏乞

常德府志

卷四十五

列女烈婦

五

食養夫曰龍謂氏曰病與飢荒齊迫豈有生理爾旦夕守
我勢且俱死何益今及吾生爲爾尋一門戶爾無翁姑子
女何害氏泣拒之未幾曰龍死氏哭之哀鄉人憐而葬之
氏赴葬所謝衆曰予向之不卽死者以夫病未死死未葬
今事畢矣願相從地下歸遂自經時年二十七志稿

石氏文方蘇妻粗知女箴方蘇卒僅一女舅姑俱逝氏欲自
縊以殉爲家人所覺不果後竟赴水死年三十三嘉慶十
四年 旌

鄔氏胡振翰妻性貞淑孝養得翁姑歡偶因膳後家□□□
□外有□□胡某者突人逼狎氏峻拒救免□□□□□

□投繯死邑尹楊聞報烈之給取義全貞額全上

李氏黃昌臣妻家貧勤苦有志操戊戌歲大旱飢饉洊臻黃不舉火者屢日或有諷之嫁者忿起作色曰人所以別於禽獸者以其有廉恥也辱身而生不如全節而死餓死與病死等耳叱其人出夫婦閉門而死比閭憐而葬之全上

彭氏梁朝凱妻生一子甫數月夫沒殯後卽自縊其姊歐陽氏凱弟朝棟妻也年二十朝棟沒生一子三月而殤氏矢志守義撫其姪底於成年六十終全上

周氏季渾妻渾字無懷崇正拔貢有文名 國朝林中永薦入經畧洪幕洪疏薦之歷官西安府知府氏生一子之逢

常德府志

卷四十五

列女烈婦

六

順治戊子同夫避兵湘鄉爲賊所掠赴水死康熙大年以覃恩膺封

章氏漢鎮船戶女武陵張方開妻氏素知大義乾隆戊戌歲饑甚夫欲奪其志氏涕泣勸以忍耐且曰姑老子幼奉事撫養無人其夫強之夜靜投河死

李氏庠生張文超之子婦年二十五無出而夫亡文超夫婦前卒所有遺基族人賣之氏不能□□□於戚家縫紉以爲生氏有姿首或利其嫁以飛語誣之氏不得已乃歸諷之嫁業有成議氏具詞鳴官得中止居二年卒串娶□強嫁之三日而縊死解其衣□重縫固於懷中□□□

之靈帛聞者烈之增

明節婦

張氏周冕妻武陵人冕任指揮僉事卒張誓死守節永樂中

事聞旌總志

張氏武陵林德成妻年二十德成卒斷指自誓守節明宣德

中旌統志子鳳儀以人材徵

黃氏常德衛人徐瑄之妻瑄任本衛指揮成化初備禦潯州

陣沒氏將從死親族勸止之撫孤璽成立襲世職宏治初

亦歿於潯復撫孤孫輔歷節四十餘年嘉靖中事聞旌表

舊通志

常德府志

卷四十五 列女節婦

七

萬氏武陵御史陳策之子貢生大韶妻幼隨父璇任通書史

韶卒氏年二十七欲自經姑勸止之會逆瑾誣策坐罰米

若干氏脫簪珥易米輸之乃免課子錄領鄉薦嘉靖中旌

舊通志

劉氏武陵龍凌霄妻期年生子甫半月凌霄疾篤嘆曰吾死

幼子誰託氏泣曰君脫不幸吾忍負君凌霄卒劉年二十

二矢節孝養舅姑撫子成諸生嘉靖中旌舊通志

王氏武陵楊應期妻年十九而寡遺腹生子曰孝誓死守節

舅得惡疾支離床第氏浣滌穢惡孝養備至教子孝成諸

生孫伯高孝廉舊通志

邵氏衛□揮吳經妻年十九而寡遺孤二歲家貧鬻地以□
守節養姑土豪侵凌逼嫁氏毀容終節嘉靖中旌舊通志

陳氏衛百戶劉達妻年二十而寡矢節撫孤復夭撫孫成諸
生壽九十見曾孫崇信舉孝廉事聞旌曰節壽舊通志

譚氏武陵陶國清妻年二十而寡生子得仁方二歲遺腹生
孝兒舅姑相繼歿氏鬻孝兒襄事以績紡經營久之得償
其值贖孝兒以歸苦節五十餘年詔旌其門舊通志

朱氏高可行妻年二十四而寡遺腹生子誓不他適舅姑相
繼歿家益貧終無二志事聞旌表舊通志

黃氏廩生張鵠妻年二十五而寡家貧撫孤四十餘年事聞

常德府志

卷四十五

列女節婦

八

旌表

舊通志

韓氏貢生史策妻年二十而寡遺腹子載章撫教成立年八
十餘萬歷間旌舊通志

彭氏生員柳東仲妻仲負美才早世彭年二十生一子誓死
守節事舅姑以孝聞舊通志

喬氏武陵黃鶴鳴妻年十九孀居撫遺腹子一寧成立事聞

旌表

舊通志

李氏鮑之管妻武陵人年二十四寡居撫子嘉猷成立歷五
十餘年人無間言舊通志

諸氏生員季登雲妻年二十四而寡矢志守節撫孤嗣先嗣

宗遺腹子嗣璘文譽並著事聞旌表嗣先嗣宗俱殉國難

舊通志

楊氏王萬齡妻年二十夫故止遺一女適石某女復歿撫某

外孫冰霜煢獨歷五十四年

舊通志

羅氏武陵賴光恩妻年二十五而寡撫孤婚娶孤復夭氏更

撫孫成立備歷艱辛事聞詔旌

舊通志

戴氏衛庠生陳昌期妻年二十三夫卒欲以身殉舅姑諭以

撫孤乃止克盡孝道教子成立事聞旌表

舊通志

成氏武陵陳某妾孝廉陳其道庶母其道甫期月失恃氏撫之乳哺備至六歲而孤家益貧氏辛勤課讀其道舉於鄉

常德府志

卷四十五

列女節婦

九

氏始卒

舊通志

劉氏廩生楊歸儒妻年十八夫病歿孀居六十餘年年八十

九終

舊通志

敖氏武陵唐誼妻適唐生一女夫殉難死氏矢志守節以女

妻龍

之澆

死於兵敖與女相依爲命母子完節

向氏武陵李開元妻年二十二守節子允甫二歲撫以成立

道府獎之

舊通志

李氏武陵譚徵言妻鄧氏譚繼周妻徵言卒李年二十七遺

孤繼周五歲繼程二歲家素貧乏李績紡自給課二孤力

學歷二十餘年繼周登賢書之任鄖西卒於塗其妻鄧氏

年二十九聞訃欲從死李哭曰汝從夫死得矣乃欲以藐孤累老寡婦耶鄧乃從命姑婦苦節終身舊通志

龍氏趙氏張氏武陵陳佐聖妻妾也龍知書史生一子歿為

夫娶趙氏趙子歿復娶張氏張生二子長穎次汝鞠之如

親生夫卒於官扶櫬備嘗險阻以家事付張惟以教育為

事初佐聖娶張後趙即清齋繡佛張亦良家子事上接下

恩禮兼盡夫沒時年俱未三十亂離辛苦同志守貞通志補

楊氏生員季嗣先妻嗣先殉寇難氏事孀姑勤儉甘貧撫孤

成立鄉里稱其賢節長子渾仕 國朝歷官西安府知府

按通志楊氏與姑諸氏合傳謂嗣先夭歿守節今考忠烈嗣先殉寇難再查季氏家譜亦未有守節年分事實姑仍

常德府志

卷四十五

列女節婦

十

通志附錄

以上俱舊志湖廣通志

國朝節婦

譚氏進士譚性學孫女武陵生員唐諧妻也年十九而寡撫

孤祚培僅三歲康熙壬子選拔孫待徵待聘俱以明經任

廣文守節五十餘年康熙三十四年 旌通志

粟氏常德衛蕭宗蔭妻少寡苦節終身康熙四十三年 旌

通志

陳氏常德衛楊山楸妻楸卒陳年十九遺孤農基甫數月賊

陷常德舉家離散陳偕稚子徙辰谿艱苦備嘗後農基早

天撫兩孫紹綬成立紹登康熙己丑進士累官至布政使

康熙四十七年 旌 通志

靳氏武陵張玉璿妻年二十二玉璿歿靳矢節事姑以孝聞
吳逆之變避亂陽山賊追之急赴急湍中得岸旁樹枝以
免復逃深山失路遇虎虎躍去其後母子復相聚人咸嘆

爲苦節所感康熙四十八年 旌 通志

熊氏武陵劉體寅繼妻寅故氏年二十四矢志守節撫教前
妻子應箕及其子應采應奎成諸生 通志

□氏武陵陳之鸞妻舅姑以家貧恐不能終守婉諭使嫁氏
泣曰婦所以不死者以舅姑在今言若此何以生爲撫孤

常德府志

卷四十五 列女節婦

十一

大彥成立雍正三年 旌 通志

常氏武陵楊系妻年二十八而寡孝事孀姑治家嚴肅教子
仔曾成諸生雍正三年 旌 通志

李氏武陵項大模妻年二十一適項甫六月而大模故無翁
姑伯叔遺腹生子應昌啣哀鞠養遭寇亂逃匿山中教子
成立官給額獎之 通志

梅氏武陵吳自元妻嫁未半載翁歿姑病足氏扶持備至自
元復羸弱嬰疾姑歿未踰月自元繼殞氏年二十二兩變
相仍慟絕復甦者數次繼念一綫孤兒三柩未厝強起經
營教子有成勵節四十年乾隆二十一年 旌 通志

祝氏武陵楊萬遇妻年二十夫亡無子撫姪支培成諸生□
鄉試舟沒洞庭支培妻項氏年二十二撫子珍游泮復歿
媳徐氏年二十二共撫孤孫世祿補邑明經三世艱貞鄉
里稱之

通志

周氏武陵陳人龍妻龍故生子瑛纔八月食貧守貞承順翁
姑姑歿傾奩具營葬姒郭氏亦孀居相好郭死窘甚其棺
衾氏皆任之乾隆二十二年 旌

通志

梅氏武陵生員劉和義妻年二十四適劉甫二載夫歿無出
而家貧撫族姪復早天有疑其意變者令其母探之氏聞
遂投河救免自此絕不歸寧依孀姑以終族親屢欲呈請
常德府志

卷四十五

列女節婦

十二

旌表輒止之曰氏聞共姜守義惟念兩髦令女全貞初無
一脈婦人不再嫁分也何以名爲壽七十五乾隆元年
旌

通志

陳氏梁國朗妻武陵人年十八適朗生子朝楠未週而朗故
年二十一嘔血絕粒族黨力勸乃復食奉養翁姑治家勤
而有禮畧無詬誶聲撫朝楠成立補諸生尋病歿撫孤孫
亦列邑庠時稱節義無雙壽七十一乾隆元年 旌

通志

彭氏武陵康應章妻年二十一夫歿遺腹生子之元奉翁姑
待娣姒撫子姪皆曲盡其道終年七十二守節五十一年
乾隆元年 旌

通志

萬氏武陵聶蘓民妻生員聶愈恬母嫁年十七夫卒氏□□
十六愈恬甫五歲堅志撫之舅姑繼沒氏葬祭當禮教子
愛而能勞乾隆二年 旌

余氏武陵楊之鉅妻嫁年十八越四載生子浩將二周而之
鉅殞養姑撫子父母以家貧慮不克終諷其再適氏泫然
曰烏鳥尙哺其母虎狼亦顧其兒卒終孝養子賴成立乾
隆二年 旌

黃氏武陵聶官成妻嫁三載有子愈光纔七月官成故時年
二十一家無恆產以紡績爲生舅姑年老氏日不再食而
晨夕潔馨盡養兄嫂余氏生子未彌月而故氏泣已子兩

常德府志

卷四十五

列女節婦

十三

乳之撫蓄訖無倦意乾隆八年 旌

劉氏庠生陳士碩妻年二十五夫沒家貧子儒儀皆釋氏矢
志終守姑病侍湯藥不懈恆種園蔬自給親戚有憐而□
之却不受儒儀邑諸生

李氏武陵人年十五適戴瑄瑄素多病李事之衣不解帶□
數年年二十三瑄卒遺二子撫之日以紡績養舅姑□□
十餘年

鍾氏武陵吳應吉妻夫沒氏年二十二子世卓甫二□□□
以奉舅姑世卓成立爲娶婦楊氏世卓復歿楊年□□□
撫孤子國聘與姑同志守節

柴氏邢嘉謨妻年二十二嘉謨歿子銳在抱值歲饑氏奉翁姑不缺甘旨教孤銳成立而殞媳楊氏亦矢節不二奉翁終養勤儉有壺範

陳氏武陵廖士虎妻夫故氏年二十一子方周晬氏事姑孝子六歲復歿立侄維理爲嗣娶媳周氏生一子而維理故周氏年二十亦踵姑志守節乾隆二十一年邑儒學周贈雙節聯芳額

趙氏生員梅常煒之妻生子方六月煒沒氏年二十七舅姑垂白賴氏奉養撫孤成立

陳氏武陵梁國亮妻夫歿遺孤月餘氏年二十六家貧甚無常德府志

卷四十五

列女節婦

十四

以營葬柩停宅傍號泣三年積紡績之資營葬其夫事舅姑皆出女紅撫孤成立歷節三十餘年

夏氏武陵顧其言婦性堅正寡言笑生子應松甫一月其言死氏撫育勤劬遇凶歲忍饑茹苦壽六十九乾隆九年

旌

張氏顧應松妻生三子長世秘次世瑋遺腹生世瑤應松□氏年二十四仰事俯育堅苦無異志世秘壬子舉於□□隆十年 旌

周氏武陵武舉梁惟勤妻早寡無子撫兩侄爲後其□□□年過八十奉侍無怠翁姑歿喪葬祭皆如禮足不□□□

不出閩幾四十年乾隆十年 旌

楊氏武陵徐禹汲妻年二十二適汲子樹人甫一月夫沒茹貧守節姑病十年事之倍謹教子以義方苦節而終

蔡氏武陵鞠思成妻年二十七夫故家貧紡績撫孤守節三十餘生

王氏武陵唐再采妻父瑛爲曲沃令贅采於署以翁姑年邁其子遠離乃請於父與采同歸奉養年二十八采沒遺二孤尙幼截髮矢守二子俱成立

楊氏武陵朱愈淳妻淳沒氏遺腹生子堅志撫之奉繼姑以孝年八十餘壽終長孫雲煥登壬午賢書

常德府志

卷四十五

列女節婦

十五

余氏黃啟翼妻武陵人年十七適黃越五年生子志遠夫旋故誓守靡他有諷以再醮者氏峻拒之終翁姑喪孀居三十餘載子列邑庠乾隆十一年 旌

楊氏監生龍昭明妻年二十七昭明沒時氏有遺腹未分娩泣請姑命撫伯子龍坤爲嗣旣而生子氏教養一體娣姒無間言家計亦裕周卹鄰里急難以賢惠稱兩子俱援例入成均乾隆十一年 旌

劉氏武陵吳世紳妻年十七歸吳次年夫死氏將絕粒以殉翁姑勸止遺腹生子卓撫之守節四十六年卓妻唐氏年十六歸卓生子廷策方五歲卓病故氏哀慟毀裂奉姑育

子姑亡喪葬如禮雍正十年廷策遽殞子任六歲氏復撫之有成乾隆十五年與姑劉俱膺 旌

汪氏武陵覃煜妻父浩任山西巡按御史煜泰順知縣尙錦長子也煜故氏年二十四遺子陞元甫九月及長爲娶偃師知縣郭振女生子學顏陞元復死郭年二十八與孀姑同守撫孤成立

李氏武陵陳士漢妻夫故子統甫三月氏年十八家窘甚翁姑憂之氏矢志以媳代子勤紡績教子成立奉養八十翁姑有司旌其門

上俱湖南通志

石氏歐陽應燮妻年二十一守節姑病劇割股以進遂愈康

常德府志

卷四十五

列女節婦

十六

熙五十八年

旌

統志

謝氏庠生龍之濤妻年二十夫故撫兩孤間關亂離俱成立子樸貢生氏治家整肅五十年不聞咳唾聲康熙中 旌
龔氏樊維都妻氏年二十一都故遺孕生男姑卒喪葬盡禮子長就傅每歸必問課程成立補諸生守節四十八年乾隆元年 旌

印氏季方泰妻婚五載而寡時年二十六子松甫週孝養翁姑教子嚴明母兼父道松郡明經乾隆二十三年 旌

楊氏裴鰲妻德州衛守備楊之偉之女鰲卒氏年二十二歲絕粒累日不死子鏌登武進士乾隆二十五年 旌

□氏張方解妻年二十六守節撫孤歷三十餘年乾隆五十二年 旌

貴氏曾之玥妻年二十夫故遺孤五月撫之成立乾隆三十四年 旌

邢氏舉人龍英明妻年二十八守貞撫姪光奎入縣庠年三十復殞氏與媳戴氏同孀守戴又先氏沒撫孫尙鏗入邑庠年七十乾隆三十四年 旌

陳氏李如楫妻歸李數月夫沒年十八撫伯氏子成立乾隆三十六年 旌

陳氏蔣文魁妻年二十一夫沒子龍生五月撫之成立乾隆常德府志 卷四十五 列女節婦 十七

四十五年 旌

楊氏鄧聰妻年十八歸聰生子甫兩月夫故年十九翁姑隨沒奉祖姑孝養守節五十四年乾隆五十二年 旌

邱氏趙啟昌妻歸趙四載夫故氏年二十六守節四十一年乾隆五十七年 旌

白氏戴大瑩妻年十九適戴四載而寡遺孤有典補邑庠事舅姑以孝待族屬以恩歷節三十一年嘉慶五年 旌

蕭氏戴大善妻大善篤學以瘵終氏年二十一與妯同守節三十餘年撫姪有權爲嗣補邑諸生嘉慶五年 旌

蕭氏唐志英妻年十八夫卒子甫五月守□嘉慶四年 旌

梁氏袁國用妻年二十適國用時染病未起合卺至不能□
拜婢有遺腹生子朝杰甫五月生母逝氏撫之成立新全□
吳氏劉如浚妻適劉甫越月夫卒氏年十九撫夫兄子陶瑞
爲嗣年七十二卒

李氏龔自玉妻姑酆姓守節撫孤氏父素豐歸自玉甚貧屏
鉛華躬勤紡績以事孀姑姑卒自玉毀瘠嘔血死氏營塋
夫姑於桃源祖塋往返三百餘里撫二子飲食教誨皆取
給十指兄弟或周之辭曰吾夫故清貧今得舅氏助恐後
不給孀居四十餘年朱嘗一修容飾至老猶嚴閨範

雷氏胡宏烈妻宏烈兄弟六人俱先後逝越二年宏烈復物
常德府志

卷四十五

列女節婦

十八

故氏年二十五子甫二歲舅姑皆老家故貧採菱實蓼本
以自食奉舅姑務蓄甘旨撫子成立守節三十餘年

陳氏文宗同妻宗同屢困童子試遠出無耗後聞客死於蜀
舅姑欲奪其志矢死靡他無子以夫弟子元采爲嗣年七
十餘

邵氏李世相妻年十八生子甫八月而夫故家貧姑利其嫁
待之虐示意於姒氏跪投於姑曰兒之不嫁爲姑子與孫
計卽以爲舅姑計何相逼耶姑語塞而家益窘□委曲承
順無幾微怨姑亦爲其所感姑晚年病癱□□非人□
舉氏晝夜左右者約六七年姑歎曰吾□□□幾失□

婦年八十有六

丁氏魯仁蘭妻年二十九夫故一子甫週歲家貧甚饗殮不給夫叔欲奪其志氏向夫靈稽首流血告夫族及父母家以死自誓教子成家至老猶勤紡績

周氏楊景醇妻幼嫻女訓年二十歸楊越三十夫故氏扃戶自縊翁姑覺救甦操作不出閨外母家兄弟至亦隔帷與語撫叔子爲子叔歿無出氏曰吾有後不可令叔無後還之年七十餘卒李濂妻阮氏年二十八而寡操行清潔與周相等

楊氏堵昌妻年二十一昌赴試溺死撈之數日不得氏痛甚

常德府志

卷四十五

列女節婦

十九

赴水頃之與尸俱出幾斃復甦子可選可進氏年五十
陳氏阮錫祚妻歸阮數載姑程氏以子零丁體復羸瘠急欲得孫將爲子納妾慮不相歡示以意氏曰媳蓄此念久矣恐姑惜費耳今奚疑已而納妾梅氏生子甫四歲而祚亡
陳氏年三十偕梅氏守節年八十七卒長孫次孫相繼早逝孫婦俱陳姓皆守節年逾六十兩世四節

徐氏譚祖瑜妻年二十四夫故遺孤二舅姑早逝伯叔欲奪其志氏知之因別葺茅於隣舍旁日夜紡績三旬九食以爲常夜臥草衣巾其子卒克有成歷節三十餘年

莫氏劉福禮妻年二十三歸劉甫一載夫亡無出目□□□

同姑往山中採栗實遇虎欲啣姑氏哀伏求代虎旋去立夫兄子爲嗣歷節四十餘年

蕭氏莫賢肫妻生一子夫故氏年二十三姑多病齒盡落氏以口咀物供食之二十年如一日教子有方歷節五十餘年

馮氏莫賢英妻生一子夫故氏年十九舅姑俱没人欲奪其志以死誓依母家茹荼撫子年七十餘

李氏莫及幹妻年二十歸莫二載幹故遺腹孿生二子幹臨終以二親託氏姑性嚴少不如意輒楚撻之氏愈恭謹後遂愛如己出課子攻苦午夜紡績倦則自刺其肱二子心

常德府志

卷四十五

列女節婦

二十

惻得不自廢歷節四十餘年

梁氏莫賢儁妻生一女夫故氏年二十四姑病篤氏同寢十餘年穢污非人所堪氏拂拭澣濯無厭意立姪爲嗣歷節三十四年

袁氏莫及銘妻適莫五年生子女二銘卒氏年二十三紡織供舅姑舅姑琴瑟素不調氏積誠解之勤於課子少不遵輒自撻以懲歷節四十四年

姚氏邑庠生賴文華妻夫卒氏年二十三無子撫□□次子國英爲嗣聘覃氏英有惡疾欲辭婚覃聞力□之□□載英故覃年二十一撫遺腹子姑媳俱年八十餘官給額獎

陳氏廖體華妻年二十四夫故撫子全德氏父翁皆

成其節年六十餘

方氏生員梁一棟妻年二十二夫故遺腹生一子舅老且病氏憂甚夢蒸熟山薑可愈採製進之而舅病痊家赤貧舅嗜魚蝦雖盛暑隆冬必求取爲膾年七十五

畢氏王信妻湖北黃岡畢乾女乾從叔父之沅州任過武陵遂寄藉焉氏適信生子三信卒氏年二十三家甚貧伯姒等諷使改嫁氏以死誓其兄自黔幕過郡欲挈氏歸黃岡氏閉戶不見紡績灌園以活諸孤四十餘年未嘗出園外周氏袁朝椿妻生一子夫亡氏年二十三姑病目翳已三年

常德府志

卷四十五 列女節婦

二十一

醫不治氏禱於神夢授以五更熱舌舐之可愈氏日舐姑目遂漸明歷節三十年

鄭氏李應奇妻年二十一夫卒子甫周歲氏十指擘畫上事下撫有奸猾凌逼之死守不移子娶陳氏生三子年二十八字復卒姑婦全守節鄭年七十五陳年七十七

劉氏生員覃璠妻年二十八夫沒長子娶巨氏次子娶林氏巨年十九林年二十九而寡奉孀姑至七十歿林子三長娶喬氏年十八而寡每引刀自刺欲以身殉姑勸乃止□卒次娶周氏年二十八而寡季娶梅氏年二十四而寡□氏哀毀守節後鄰火延燒己屋二氏護二姑出烈□□□

所傷巨年七十三林年八十二相繼逝家貧無立錫而殯
葬費繁二氏皆拮据以成禮梅撫周子爲嗣娶張氏亦年
二十二守節奉姑蓋四世節孝云

孫氏劉某妻姑患疾氏侍之三年不懈屢諫夫延師力學年
二十五夫故無出有利其嫁者鳴夫族泣訴曰予姑年三
十撫孤今予夫死劉氏絕矣姑安託族人憐之爲立族姪
爲後年五十餘

趙氏柳培福妻柳家貧年二十四夫卒遺孤二長三歲次未
週叔與娣利氏嫁數愬於姑姑誤聽遇之虐欲嫁之氏以
死誓乃止姑忽染惡疾不起家人不肯近氏扶持起臥侍

常德府志

卷四十五

列女節婦

二十二

湯藥晝夜不倦姑爲淚下呼孝婦姑歿益無所恃攜兩孤
依母家針黹度日枵腹爲常後二子各成立年六十餘
張氏江西撫州人隨父商湖北利川武陵何某亦客於利氏
父遂以氏妻何生子方一月而卒氏年十八鬻簪珥經歷
險遠攜子歸武陵夫兄欲奪其志氏矢死靡他撫子年十
九復卒遺孫未一週氏偕媳吳氏撫之成立

龔氏彭寅古妻黃氏寅古弟妻兄弟先後棄世兩氏年俱二
十二子一皆遺腹生家甚貧二氏矢志黽勉如姊妹紡績
惟勤戚黨或恤之謝曰貧所自甘且令兒曹□□苦□□
之

氏彭超凡妻歸彭月餘夫沒氏號泣斃三日復甦屢以身殉人救乃免夫兄憫其志立子爲嗣乾隆丙戌歲鄉中大水廬舍盡淹姑登舟溺氏躍水救之流數丈始浮出姑媳俱無恙里人稱其孝教子成立歷節三十餘年

歐陽氏年十九適彭生生久病花燭之夕至不能成禮越七日歿氏以身殉家人伺之得不死後父母翁姑憐其少欲改適氏曰旣爲彭氏婦豈更事他人兒非畏死者何相逼耶更毀形人不可近操作不倦年八十有五

陳氏毛仲玉妻年十九歸毛生子甫週而寡家無擔石其姑病痿痺氏跣步扶持朝夕饘粥以筋哺者十餘年子長聘

常德府志

卷四十五

列女節婦

二十三

其姪爲室生二子而子復卒時媳年二十四事姑教子如其姑年七十餘

曹氏戴廷兆妻年二十四而寡生一子伯氏欲嫁之遇之虐氏堅忍自矢日服諸役夜勤紡績母家頗裕終歲不一歸寧年五十餘

龍氏戴儒道妻儒道清癯善病伯兄依道目且瞽二子俱幼而姒詹氏死氏撫育之艱苦特甚儒道尋卒氏年二十五生三女無子罄簪珥服什葬夫誓死不回十餘年而二姪相繼歿氏勸舅繼娶孫氏復無出舅懼祧絕朝夕哭莫解氏拮据稱貸更爲瞽伯納文氏文甫舉子旋逝氏□□□

者稚者瞽疾者日用服食皆仰給於氏氏日鋤園蔬夜勤紡績彌苦彌貞年五十餘卒

李氏趙維列妻年十八歸趙三年夫故無子立夫兄子爲嗣翁姑繼逝家遭回祿幾盡婦又亡子遂遠出氏辛苦無依者十餘年後子歸慟責爲娶婦生子氏年八十餘

李氏陳先烈妻年二十三守志紡績課子讀每深夜不輟孫用蘭補諸生氏年七十六

歐陽氏陳之化妻年二十六夫故生子早歿立夫兄子裔虞弟子衍虞爲嗣時同堂兄弟八人尙未析箸食指浩繁氏秉性慈惠復有綜理才家事鉅細多委之子皆補弟子員

常德府志

卷四十五

列女節婦

二十四

年五十六

徐氏拔貢生陳詩浩繼室年二十浩故無出立浩弟子爲嗣氏家世纓紱幼習壺訓既寡椎髻布衣不與親串婦女會閨門整肅內外無敢有妄出入者所用物他人或偶持卽毀棄之年五十三卒

梁氏魯之崙妻年二十歸魯生子人惠甫七月夫故氏瀕死者再娣姒救甦姑患目疾將瞽氏舌舐之尋愈歷節五十九年

萬氏王家許妻生一子甫週歲而許病卒氏年二十二撫孤旋天氏與婢桂香朝夕紡績以自活婢亦終身不嫁歷五

十餘年

謝氏堵鏞妻楊氏鏞弟鈇妻各生一子年俱二十三夫故家貧翁早逝二氏事姑撫子姑疽發背爲吮其毒里人稱之余氏嚴某妻年十九適嚴未期夫故遺腹生一子貧甚家人令改適氏截髮誓死撫子成立年八十

蔣氏吳楠妻年二十餘夫故遺二子皆襁褓伯兄虐遇之氏矢志不二閉門勤苦五十餘年

彭氏劉某妻年二十一夫沒氏撫子之鯤年六十子沒無嗣以夫兄孫繼其子復天慨然曰吾爲劉氏撫孤立孤至矣今復何望僅存遺產請於官捐入育嬰堂蔬素自甘時年

常德府志

卷四十五

列女節婦

二十六五

七十八

蕭氏邑庠生熊國泰妻年二十八守節撫子宗文成立命修發旺袁公兩石橋稱貸不吝年七十餘

雄氏監生熊際隆妻年二十六夫故撫幼孤成立後命子重修隄南十五里揚駕橋現年六十二

史氏陳儒禧妻生一女而儒禧邁弱疾繼兄子謚爲嗣旣而有娠禧病不起史年二十二哀毀以身殉幾死者再遺腹生子有詡史撫雙孤謚年二十娶婦白氏僅三月謚殂無出白氏矢志撫堂姪開泉爲子有詡甫冠娶李氏三載生子開朗三閱月而詡亦殂李復矢志撫之開朗勤學食餼

李年六十知府鮑旌以額兩世三節

蕭氏劉雜□妻年十八夫沒遺腹生子與遠家窘甚夫弟欲嫁之氏各爨撫孤年四十有五而其子又夭媳亦他適遺孫一僅二齡氏守以終年七十餘

譚氏戴大觀妻生子二夫故氏年三十事姑克盡婦道處娣尤和順析箸時不問□寡過貧乏告緩急輒周恤之尤樂成人善舉子□□□生食餼早卒媳陳氏踵其志事姑撫子子皆成立

盧氏張高說妻年二十八夫沒矢志撫三孤長子元會娶媳貴氏年二十九元會卒貴亦苦守兩世皆以貞節自勵次

常德府志

卷四十五

列女節婦

二十七

子琳舉人

袁氏生員莫賢偲妻年十八歸偲生子二閱四載守節孝於其姑姑病足氏扶持不少倦年六十餘

梁氏莫士瑛妻歸士瑛二載瑛疾不起對夫截髮明志遺腹孿生二子舅姑早歿祖翁年七十餘且病家無餘貲甘旨無缺守節三十四年

劉氏靚庠生莫賢偉妻生子女□偉病卒氏勸絕數次矢志不渝舅姑以子故食日減氏食亦減舅姑感其孝爲加餐教子成立補邑庠守節二十五年

謝氏劉國江妻年二十適劉生子之樂甫二載夫沒氏年二

十六撫子成立年八十餘

周氏石爲琬妻年二十四夫故生二子朝夕紗績奉親訓子
內外無間言乾隆三十三年知府葉馨給金谷寒香額氏
年七十九

童氏歐陽應偉妻貢士歐陽誠母年二十五夫故遺孤二氏
撫之家貧茹苦年五十五

王氏李學義妻年二十六夫故克孝祖姑翁姑子成立以壽終
丁氏陳樹聰妻生子景新夫故年二十六養姑撫子補諸生
歷節三十年

廖氏李宏仁妻年二十七而寡生子開甲遺腹生子開第夫

常德府志

卷四十五

列女節婦

二十八

死罄奩具葬之教二子成立邑人龔大萬贈額

梁氏劉應麟妻年二十九夫歿長子崙次岑俱幼家貧氏撫
鞠辛勤卒年九十

伍氏聶方棟妻年十八適聶甫十月而夫故其夫兄以家貧
少寡欲嫁之氏泣不從立夫兄子由朝爲嗣氏年六十親
族贈額

蕭氏劉協周妻年二十九夫故無子撫姪成立生一子其姪
年二十餘卒撫孫又故撫曾孫氏現年七十七

周氏蕭元珙妻夫故氏年二十三生二子長淑善未二歲次
會善未匝月氏善事繼姑教子成立淑善例貢生氏規年

五十二

鄭氏余汲遠妻年二十二生子宏受六月夫故撫之成立守節三十五年

戴氏梅元音妻年二十三寡事姑撫子兼撫孤姪年五十石氏武陵王鉷妻年十八夫故遺腹生子撫育有成乾隆二十三年邑令尹給松筠比操額年七十餘

毛氏曾昌六妻歸曾三載生一子甫數月夫歿甘心守貞叔舅嘉其志分己田養之年六十縣令張給額

陳氏周銘妻生二子銘往滇不歸氏年二十餘撫子成立乾隆元年氏年六十邑士贈冰心化石額次子歿遺腹生孫

常德府志

卷四十五

列女節婦

二十九

與媳華氏共撫之

王氏陳九鼎妻適陳三載生女一夫故氏年二十二姑多病夫弟俱幼氏一生支持奉養立夫弟爲嗣勵節三十五年李氏翁映璧妻劉氏翁映台妻俱年二十七夫故李無子劉生子女各一矢志守節姒娣相依共歷節數十年

周氏邑庠生廖仁妻年十九適廖二十五夫故遺腹生子氏矢志撫養孝事舅姑氏年六十餘

胡氏李大松妻年二十松歿遺腹生子邑令楊給額年九十何氏蕭浴露妻年二十五夫故立嗣守節四十餘年乾隆十年邑令翁給額

張氏庠生蕭諧妻幼曉文藝年十七歸蕭生子甫周歲夫故氏矢志撫孤值凶歲嘗發粟以卹鄰里子菁歲貞生幼時所誦經史皆氏口授菁子綬歲貢生紹庠生

陳氏蕭文奎妻年二十奎故陳矢志守節其姑劉氏亦守節督學倪獎以額陳年七十府學博管亦以額獎

楊氏蕭丹朗妻年二十夫故子文奇甫三月氏撫養成立娶楊氏奇卒遺孫傑僅周歲楊年二十一依姑守貞邑令翁旌以額曰閩內程嬰傑補胄監子宏勉娶曠氏年十九宏勉卒曠亦矢志守三世節孝

龔氏唐世泰妻年二十三夫歿娣王氏世瀛妻年二十六世

常德府志

卷四十五

列女節婦

三十

瀛復故娣姒相依備極艱辛撫子成立現年七十五

吳氏唐開亨妻年二十五夫卒撫子成立現年六十五

張氏唐世澤妻年十九歸唐二十二夫故子開榮甫周撫之

成立氏自幼嗜學善詩文著有瓊瑤詩草夫歿後不復吟

咏年六十六

陳氏曾明昉之妻年十九歸曾生二女夫故氏年二十四繼

堂姪方生爲嗣族人爭立官爲定其嗣守節二十年

周氏劉士俊妻年二十八夫故子二事姑教子紡績勤勞年

六十四

王氏歐陽成燾之妻年二十八矢志守節惟勤紡績以養舅

姑教子德達補郡庠氏年五十六

魯氏劉之煥妻年二十守節遺孤文運甫週氏教之成立年八十

徐氏劉之乙妻年十九歸劉劉素多病氏佐讀辛勤生子文謨甫週歲夫死氏年二十四事翁姑教子成立歷節四十餘年

劉氏姚正印妻年二十二守節撫遺孤定資延師教讀登仕籍歷節四十餘年

曾氏羅士明妻年二十二夫故撫遺孤茹苦成立歷節三十餘年

常德府志

卷四十五

列女節婦

三十一

梅氏唐志鯤妻年二十八守節奉姑至孝教子大鵬補邑庠現年六十餘

陳氏丁士相妻年二十守節立堂姪爲後姪復歿依子壻以終歷節三十餘年

徐氏開文道妻年二十八夫死遺孤三艱苦教之成立現年八十

蕭氏庠生賀應爲妻年十九夫故矢志自守立族姪孔緒爲嗣紡績營身撫子成立邑令吳給寒香晚節額卒年七十張氏武陵巨澤乾之妻年二十二歸乾甫數月乾故無出氏矢志守節仲澤豐舉一子欲繼之氏俟再索未幾豐□故

□妻李氏與張同撫弱息歷三十餘載

羅氏武庠覃光寶繼妻年二十遺腹生子鍾衡矢志守節前子鍾杰善事之友愛其弟室無間言氏年五十八

冀氏武陵陳鍊虞之妻歸陳七年夫卒子甫五歲教育□□立娶其姪爲之配有孫數歲而子復卒氏再撫之年七十顧氏武陵梅迎春之妻年二十歸梅生一女夫卒氏年二十六撫姪山琚爲嗣教育成立補邑庠年六十

葉氏千總趙璋之妻璋卒於任氏年二十遺孤正清甫歲餘氏守節課子年六十有八氏母姚無子依氏終養紡績之餘惟與母姚繙閱經史

蕭氏陳三元妻年二十二夫故貧窶異常事姑孝紡績撫子

常德府志

卷四十五

列女節婦

三十二

成立年七十餘

劉氏王應節妻教諭王學洙之媳生一子夫病故氏年二十六家貧甚子復卒遺孫數歲撫之成立年七十餘

王氏陳長尙妻年二十五夫故矢志不二年六十四卒

陳氏邑庠周之篇妻年十九適周二十二夫故以經史授孤方旦補邑庠學使陳旌之

成氏陳朴元妻年二十六夫故子三歲守節年八十三

彭氏陳詩輜妻年十九歸陳越五年生二子夫没于相繼大立夫從弟子爲嗣年六十餘

貴氏陳興宗妻年二十歸陳月餘往川遂無音耗氏歸於貴

終身守義七十悅辰親族爲贈額

劉氏朱景暉妻年二十二而寡子甫三歲氏矢志撫孤節歷三十一年

王氏朱和洮妻洮没氏年二十七無子矢志不嫁茹苦自甘歷節二十七年

曹氏伍正邦繼室夫没氏年二十五撫前妻子士敏如己出現年七十

陳氏閔氏子妻陳長鼎之女歸閔月餘夫卽往川後竟不歸氏撫姪爲子年六十孝廉陳長槐贈封帛流徽額

梅氏陳文衡妻夫故氏年十七孝養孀姑備嘗艱苦現年五常德府志

卷四十五

列女節婦

三十三

十三

陳氏州同阮世胄妻年二十七夫故與姒陳氏同勵冰節

李氏康之棟妻棟亡氏年二十一遺腹生子庶姑所生三男翁没氏俱一体撫養成立卒七十三

史氏陳有証妻夫故氏年二十二撫姪定元爲嗣入邑庠伯叔同居食指數十氏總理家政內外和睦無間言現年五十六

陳氏羅子寬妻年二十九夫故遺孤國琮伯叔欲奪其志氏以死自守家貧無以自存忍饑渴作教子成立年八十三卒邑令張繼辛贈額

余氏楊毓正妻夫沒氏年十八繼子其仲入邑庠年七十五
歐陽氏蕭士璇妻年十六歸蕭五載夫故遺孤文萃氏事姑
孝教子成立氏年六十三

陶氏蕭之傑妻年二十四夫故撫孤士瑞紡績教讀備歷艱
辛氏年九十六

李氏鄔士博妻士博沒氏年二十八遺子女二俱襁保矢志
守節年九十三邑令尹贈額孫媳毛氏婚未及週夫死守
節數十年事上御下皆遵李氏教年六十三

程氏陳繼述妻年十八舉子不育相夫勤學年甫弱冠卒氏
哀毀摧折幾不欲生事翁姑孝視姪泰階如己出中武舉

常德府志

卷四十五

列女節婦

三十四

年五十四卒階遵命以子承祀

劉氏鄔道瑞妻年二十三夫沒子紹信甫三歲氏苦志撫育
年六十一

胡氏監生賀高才妻年三十夫故生二子矢志冰霜言笑不
苟至老足不出戶庭不與親戚慶弔衣粗食藜勤儉治家
凡喪不能葬貧不能娶者力助之

胡氏王應祿妻夫故氏年二十八撫子國幹補胄監循循稱
善士氏年八十三

唐氏李士璧妻年二十七而寡事舅姑克遵婦道子玉輝補
郡庠氏年七十餘

龍氏幼字馮玠方笄玠以疾廢不能舉步玠父請辭婚其父將許之氏謂母曰人生貧富生死皆當安命女子一聘終身不忍以兒故陷親不義及歸玠疾稍愈氏謹侍之歷四年舉二子玠故家貧甚親老子幼克盡撫養子元春邑廩生學使姚頤給額年八十餘

羅氏陳樹榘妻年二十夫故立姪熙祗爲嗣移居桑植翁歿扶襯由江歸里忽風濤大作鄰舟多壞氏奉柩垂涕默禱得無恙姪熙堂少孤亦撫之成立年六十餘

嚴氏王姬年妻徽州進士嚴鸞女幼知書史歸王姑病篤醫不治氏割股以進遂愈年二十四夫故家僅四壁子師僅

常德府志

卷四十五

列女節婦

三十五

三歲撫之成立雍正中官給額獎年八十二

馮氏戴如鼎之側室十六適戴生二子年二十一夫故嫡亦

繼逝氏撫子成立長子恩乾隆己酉武舉歷節三十年

周氏戴大冕妻歸冕生一子年十九夫歿撫姪有體爲嗣

游氏吳祚昌妻年三十夫歿子居安乾隆武舉氏年七十

梅氏武舉陳嘉徵妻年二十六守節撫子成立年五十六

陳氏劉邦彥妻年二十夫歿撫姪爲嗣年五十六

周氏劉師盛妻年三十夫故守節子達升庠生年二十七卒

婦王氏撫孤文炳嘉慶癸酉選貢生

張氏監生胡士堯妻年二十四子甫七月氏守節年七十邑

令旌獎

何氏楊毓瑩妻夫沒氏年十九無嗣撫夫三兒子爲嗣教□
完娶越數年子媳相繼亡氏撫幼孫零丁孤苦悽慘更其
現年七十五

黃氏丁希德妻生一子甫數歲德故氏年二十六矢志自貞
閉門紡績雖至親族不輕往來 歷節三十餘年

歐陽氏劉維俊妻年十八適劉生子指遠而俊亡氏撫子娶
媳生孫三指遠又逝苦志勵節數十年長孫之鵬補胄監
氏年九十三卒

胡氏陳九騏妻年十八適陳生子四歲夫卒子娶程氏未踰
常德府志 卷四十五 列女節婦 三十六

月復亡氏謂程曰前我寡幸有子汝何守乎程曰姑在婦
安往立堂姪錫爲嗣補胄監中乾隆甲寅副車胡歷節五
十六年卒程現年七十餘

尹氏武陵舉人陳蜀錦母也年十九夫歿蜀錦甫週歲夫弟
亦歿其娣雷氏年二十無子同撫蜀錦家極貧二氏紡績
不輟而課蜀錦最嚴錦中嘉慶戊午卿試數年逝孫三長
孫出繼娣氏氏教以讀父書艱苦如故尹氏年七十一□
氏年六十九

曾氏劉英彥妻夫病故遺孤能述甫週歲姑老家貧氏
不渝撫育□養俱盡其道年六十三

徐氏態重元妻年二十五生子二氏事舅姑及祖翁姑孝謹
子振南成諸生守節四十餘年

胡氏劉伯遠妻年二十一子甫週歲夫歿夫兄欲嫁之氏以
死誓曰守蓬蒿紡衽目給事舅撫子成立現年七十餘

梁氏楊文範妻年二十八嗣子丕升夫故矢志訓子升列邑
庠卒年六十餘

郭氏楊大源妻年二十四夫歿氏痛夫無子哀毀幾以身殉
撫姪孝槐爲嗣歷節六十年

詹氏黃賢裔妻幼孤養於黃婚未久夫卒時年十八遺腹生
一女叔翁多子女長鍾英孫開甲中武舉皆氏撫養之力

常德府志

卷四十五

列女節婦

三十七

卒年七十三

石氏邑廩生丁希傳妻傳少貧力學隨父別遷娶石氏甫月
餘氏念舅姑遠隔賣粧奩付夫迎歸希傳卒氏年二十七
撫子成立卒年七十三

胡氏陳瑛妻翁病拘攣姑目雙瞽氏左右就養弗倦年二十
八夫歿撫孤姪如己出有勸繼他姓戚屬子爲後者氏却
之姪生二子長世昌領鄉解官成均

李氏鄧世昌妻年十九生子文炳甫七月而夫歿家甚貧勤
儉撫孤歷節四十餘年孫支繁衍

黃氏高應翥妻翥卒氏年二十矢志撫孤未二載子復天撫

姪如己出氏年五十一邑人朱景英爲作將雛篇楊氏翥弟應朗妻年十九歸高六月而寡姑憐共少欲嫁之氏不從姑爲立嗣年五十五卒邑令翁旌其門

劉氏陳大誥妻年十八歸陳生女甫週歲夫病故父母及繼姑皆欲奪其志氏截髮誓守鋤園紡績苦節二十八年翁病瘋痰五載賴氏孝養焉

楊氏曾可琛妻年二十七夫故遺腹生子一貫歲饑不舉火者數日或諷之嫁氏拒之終身縞素一貫中副車

戴氏邑庠生聶愈游妻歸聶三月夫故無出氏年二十撫姪攀元爲嗣攀元列邑庠娶婦貴氏生二子攀元復卒氏與

常德府志

卷四十五

列女節婦

三十八

媳茹苦飲水撫養成立氏年八十二邑令尹額□

聶氏陳用復妻年二十生子未週夫歿茹荼紡績守節四十年

陳氏歐陽成身妻年二十夫故撫姪德瞻成立年七十餘卒

李氏鄭國忠妻年十九而寡遺腹生子世萬卒年七十

任氏賀用才妻年二十夫故遺子長松甫數月撫之成立補

胄監姑年逾大耋奉養不衰氏年六十

周氏陳國夏妻年二十六生一子夫故氏矢志守貞孫世儒

例貢生氏年八十五卒

李氏周大富妻適周三載生子甫數月姑因貧改適氏紡績

營生教子成立氏年六十三

黃氏監生沈經邦妻年十六歸沈生子鰲甫十歲經邦卒翁老子幼氏孝慈兼盡鰲援例入太學氏年七十餘卒

羅氏周道尊妻年二十夫歿家貧無立錐族人勸其他適氏厲色拒之食倚針指取松油以照日一食無怨言年六十顧氏裴志汶之妻雷瓊總兵裴鏡之媳歸裴三載夫歿氏年十九矢志守節歷今四十四年

陳氏生員彭作舟之妻夫卒紡績撫孤娶婦楊氏子廷冕年二十以讀書攻苦病故楊亦克繼姑志共誓栢舟

楊氏李方畧妻年二十八夫故子樹暄甫五歲氏教讀成立

常德府志

卷四十五

列女節婦

三十九

舉乾隆丁酉科選鄴縣訓導歷節三十一年

徐氏蘓雲之妻年二十四夫故子甫週歲貧甚依胞弟以居守節四十餘年

嚴氏許啟亨之妻年十七歸許二十五歲夫故遺腹生子家祥撫孤成立年七十五卒守節五十載旌表建坊

岳氏吳士韶妻年十九婚甫三月夫故立長房姪玉金爲嗣歷節三十年

蕭氏彭志麟妻年二十二而寡撫姪述箕爲嗣艱難教子歷節四十四年

陳氏馮功奇妻二十八夫故撫子媳故哺孫年七十六

潘氏徐昌盛妻年二十九夫卒無子誓以身殉舅姑日夜□
視潘遂請立後撫之吳逆之變潘度舅姑老病不能行乃
懷刃自隨賊至操刃而前曰免我舅姑吾請死賊嘆爲孝
婦康熙五十八年 旌 通志

周氏陳體元妻繼姑孔氏性嚴急少拂意輒卧不起氏每跪
床下終夜亦不起脂膏奉養先意承志宗族嘆以爲難
楊氏監生聶愈憬妻年二十八夫故無子生女三姑久患風
癱氏澣滌穢惡孝養備至立夫從孫爲嗣年八十一卒
袁氏丁希進妻與娣吳氏相友愛姑年五十餘臥病不起目
又瞽二氏紡績奉養理髮扇枕歷久不倦人稱雙孝婦

常德府志

卷四十五

列女孝婦

四十

楊氏諸生明星煥妻年二十歸明氏針黹佐讀越五年星煥
奉母命尋弟遠遊不歸姑病床褥氏隻身調護者五年姑
卒棺殮終制歸母家縫浣度日歲時伏臘夫家先人翁姑
生忌日必薦猶欲爲夫立嗣年七十餘

陳氏楊芝華妻年二十七夫故守志姑病割股和藥以進遂
愈子婦趙氏生孫大有亦年未三十守節撫子□立

熊氏左依元妻幼嫻女誠繼姑有心病醫技已窮氏潛禱割
股和羹以進疾頓愈 志稿

李氏晏正元妻乾隆元年翁姑病氏割股療之尋愈教諭潘

邦孚贈額 志稿

文氏龔啟遂妻姑陳氏病篤氏割股啖姑每且告天願以身代姑病尋痊氏年八十一

王氏周應仕妻年二十適周二歲兩夫故氏與姑范同卧起姑病翻胃刲割以進遂瘳

張氏康方仁妻居翁姑喪以孝稱刲指肉和藥愈夫目疾陳氏儒生周大昭繼室姑病篤家貧無藥割股以進夫多弱疾氏又割股夫卒氏年二十六艱苦備嘗撫前子如己出王氏前羅源令陳悌妻悌之羅源任氏侍舅姑養於家雍正十年悌以疾歸氏割股和藥以進悌家徒壁立遺孤在璣在珠在瑞氏紡績課讀在璣登辛未進士河南尉氏令

常德府志

卷四十五

列女節孝

四十一

顧氏陳某之妻歸陳年二十餘守義撫孤成立奉翁尤篤翁病篤割股愈之

邱氏土勝先妻年二十餘撫孤割股愈姑年八十餘

曾氏朱必赤妻年二十八夫故方夫病時禱求身代赴水端坐不死翁病割股和藥旋愈數年復病如前割股年七十餘卒

楊氏蔣大鷗妻年三十一夫故子方春甫周氏矢節弗渝撫子成立姑病劇延醫莫治氏割股和餌以進遂愈

陳氏聶愈浩妻年二十歸浩割股和藥以療姑病

劉氏陳尙勳妻姑華氏病篤醫藥罔效氏禱於神割股以進

尋愈上孝婦

明

賀貞女賀璣之姊幼聘於羅未嫁而羅故堅志守節正德間郡守王禾旌獎文云目未覩夫面而矢志不回足未履夫門而迎姑就養在賀爲貞女在羅爲孝婦舊志

賀貞女賀文貴之女幼許字不利矢志守貞依兄嫂紡績佐助年六十餘知府朱縉於景泰三年上其行於監司給匾

旌獎舊志

李貞女名玉貞貢生李延女幼習詩書稍長值流賊張廣勝史釗之亂村墟皆空一家流離女乃徹環瑱不嫁勤儉艱

常德府志

卷四十五貞女

四十二

苦撫弟姪成立卒年八十五嘉靖間知府陸州旌以貞比嬰杵舊志

譚貞女武陵譚玉純女父母早歿憐弟幼孤決志不字撫弟成立卒年七十八歲

國朝

戴貞女戴縱女幼教以女誠字同邑龍剛明明故女年十七聞訃奔喪不歸立兄子軒爲嗣教之成立姑哭子目瞽氏舌舐之愈學使□額其廬乾隆二十九年旌

劉貞女幼受喻聘年二十父□□□□悔盟將擇厚於贅者贅之有日矣女聞之奔□□□□肯歸父訟於官郡

丞義之令卽公堂合卺灋陽參將旌其廬通志

鍾貞女幼字鄔某鄔入蜀不歸女父母俱亡其兄欲改字女矢不從遂依兩從兄紡績度日乾隆戊辰邑令翁運標嘉

其節給額年七十餘卒按通志作鄔某天歿父母哀其志者誤

張貞女安鄉人知直隸正定府張月女幼字武陵尙書楊超曾子玃未婚羽卒女歸楊守志乾隆壬戌翁病革割股和藥以進創絕復甦繼弟子爲嗣年七十八

楊貞女尙書楊超曾女幼字同邑陳詮詮早死聞訃卽欲身殉慰止之詣陳守志終身不衣綵帛孝事翁姑撫姪爲嗣年六十四

常德府志

卷四十五 貞女

四十三

楊貞女幼字陽文珠珠病卒姑老願代養踰年姑歿竟以悲泣死珠同學友請學使姚給節比曹姬額

楊貞女灋州人幼字武陵鄭學泰父母俱亡因養於鄭年十六將婚而泰故女誓靡他以紡績養姑有勸立後者女泣曰我本處女敢爲人母耶年五十餘

阮貞女阮鉉之女幼字楊某一足微跛楊因悔盟父憤將搆訟女請曰兒聞婚姻由天定亦以人令天壤非止有楊郎何相強父意解後別覓壻女堅拒曰兒前之言恐父致訟男子子女子獨非子乎願留以事父母年七十餘卒

談貞女談可秘女幼字賀人長及笄而賀故女奔喪守義族

人爲選嗣年五十二

陳貞女幼字歐陽氏及笄所字夫得惡疾其叔因改聘女聞不食嬸氏給之親迎有日矣比登車藏刃於裏衣中將自刎焉刃出衆駭而折之晝夜號泣數日死

舊志稿

劉貞女劉玉山女少字蕭姓子蕭子得罪於父逃外無耗及女當嫁之年蕭令劉改聘女願待其子歸現年五十餘潘貞女潘士元之女許字熊氏子熊遠出嘉慶乙卯年三十木嫁其父欲改字女不食自縊死巴令楊額獎

李貞女劉氏童養媳夫未婚出外服買無音耗舅姑因家貧衰病屢欲遣嫁女堅却守貞撫伯子爲嗣歷節三十餘年

常德府志

卷四十五

貞女

四十四

鄭貞女幼失父母與弟依於叔嬸比長叔許字諸生余海未適而海沒叔將別字拒不可海父聚族迎之爲立後年七十二

聶貞女聶朝棟妹幼字陳氏子未婚陳出外無踪經三十餘年戚屬勸其別字女願守義兄弟析居憫女貞各給田養之年六十餘

劉貞女幼字蕭元綱綱入蜀三十餘年女守義閨中惟勤紡績人有異言惑志女卽厲聲責之里中罕見其面歷年

十五

姜貞女字戴逢誥育於戴及笄誥故矢志守貞現年四十張貞女張學文妹年三十未嫁所字壻無賴子也陰使

計玷其□以圖利女卒自全憤激以死官爲立□□墓

陳貞女幼字丁氏丁死於水請於父曰女自今爲廢人願與

兄弟異宅自食其力遂日勤紡績具甘脆奉父母歷三十

四年卒□貞女

陳氏長蕙陳養元女歸龍陽史氏幼襲父兄之教能詩夫故

屏鉛華不御稿紙塵封撰著爲多

林氏劉□之側室工書翰能詩樵卒永昌子三俱幼氏以母

兼師皆賴成立

覃氏光瑤覃志京女歸武昌崔氏幼慧其父教以聲律篇什

已多後得孝感老儒羅龍岡指授詩法一變刊有玉芳詩

常德府志

卷四十五

貞女

四十五

草四卷

兩村詩話閩媛能詩已屬僅見而又出自弱齡尤屬絕無武陵女士覃光瑤其父咫尺爲齊東令九

歲能詩有題畫鸚鵡云已無言語慧只有羽
毛竒鎮日輕綃裏鷹鷂那得知命意復不凡

王氏大理人武陵胡蔚遊大理納爲繼□知書能詩與蔚日

相倡和或贈詩云從知健翮原矯矯達人才名著垂老椒

盤然燭對文君不用祭詩憐瘦島蔚死無子王檢移遺□

謹藏之蒙化彭翥爲梓行上閩秀

黃氏劉某妻生二子值歲饑夫窘無計欲□□自活氏曰夫

之欲嫁婦者爲不能存活耳□已□□□□吾子一人□

自爲計攜子依弟以□□□□□□□年八十餘

稅氏武陵里民□□□之妻□□□□□□□□□□□□

生子五人夫卒教育有方每陰察其交之賢否勸戒之諸子皆成立年八十餘

張氏監生王國幹妻善事孀姑相夫以義族修祖祠擇地卽以居基讓建復出私貲贖祭田放還婢僕率不索值恤飢寒造津渡皆捐施不吝年企百歲見元孫五人壽以上婦

廖貞女廖相之姊許字不利誓不再字養父母終身現年八十

戚氏劉止瓚妻助夫成家見曾孫損田入劉公渡壽企百歲知縣伍給額

羅氏吳錦蘭妻年二十六夫故鄉頻遭水患氏勤苦事姑姑

常德府志

卷四十五

四十六

誤聽伯謀欲奪其志氏涕泣不食欲死者數益敬謹不怠姑感悟相待如初慈惠好善遇窮乏極力周恤子宗徽宗衢成立事氏俱以孝稱

戴氏黎長吉之妻年二十夫故遺腹一女撫夫兄子思泰爲嗣教讀成立脩極艱辛見年六十二

梁氏董尙韜妻韜割股愈親疾數年卒母李氏孀居子以厚方踰月氏年二十餘養姑慈幼今年七十餘

王氏李光泮妻年二十四夫故守節養姑撫子年六十餘

李氏鄧元芳妻生員李光瀚女年二十四芳卒撫子年六十

汪氏王汲妻年二十四汲故守節撫子成立歷三十年

梅氏王佐妻梅山岫之女幼嫻閨訓助夫事翁姑稱孝謹□
聞比隣穢語忿激自經死時年三十府教授瞿家整嘉其
烈爲表阡